

condensati, ne ab hostibus possent separari: 2. Cuneus erat, ut inimicorum aciem frangere possent: 3. Forfex, quando hostes nolebant dividere, sed concludere: 4. Serra, quando utraque pars publicè & ordinatè ad inuicem præliabatur: 5. Globus, cum milites abundabant, eligebantur aliqui, ex quibus una acies separata fiebat. Hæc signant numeros quinque spiritualium bellatorum; pugnamus enim 1. cum resistentiâ & constantiâ, quando temptationibus non consentimus: 2. cum sapientiâ, quando mundi gloriam non quaerimus: 3. cum iustitiâ, quando populum de captiuitate liberamus: 4. cum potentiâ, dum potenter vndique expellimus aduersarium: 5. cum prouidentiâ, quando necessaria prouidemus. Eadem in Euangelio notantur. *Ex quadr. ante hac non impresso. tom. 3. à pag. 116. col. 2. ad pag. 118. col. 1.*

Idem, sermone in Euangelio de amore sanctificationis; disserit de tribus considerationibus in matrimonio concurrentibus, & dicit matrimonium esse debere. I. In carne regulatâ, ut cum fratre reguletur, obedientiâ exerceatur, prouidentiâ discretâ custodiatur, &c. II. In carne sanctificatâ, cum obedientiâ regulatâ; mulier enim in tribus periculis obedire marito non tenetur, quando i. obediendo marito perdit charitatem Dei: 2. peccat mortaliter: 3. perdere pudicitiam timet, III. In carne honoratâ, cum prudentiâ discretâ, quia mulier data est socia in adiutorium, non propter luxuriam, sed propter fornicationem euitandam. *Ex quadrag. Seraphin. tom. 3. à pag. 266. col. 1. ad pag. 271. col. 1.*

S. BONAVENTURÆ sermo primus in Euangelium de quatuor diaboli ejectionibus, videlicet, de cælo; de impio, de possessore, de mundo; de cælo per pugnam & prælium ibi factum, de impio, per penitentiam; de possessore, per iussu- nem Christi; de mundo, per aduentum Domini. *Tom. 3. in serm. de Temp. pag. 72.*

Eiusdem sermo secundus in quo agit. I. de diaboli malitia erga hominem. II.

A de diuina potentia contra hanc malitiam. III. de utilitate diuinæ misericordiae, quæ omnia ex Euangelio desumit. *Ibidem.*

Eiusdem sermo tertius, tria completur, in illud. *Assumit septem alios spiritus, &c.* I. Docet septem peccata mortalia, esse septem spiritus. II. Eos qui post conuersionem peruertuntur, fieri peiores, & pluribus vitiis subiaci quàm antè. III. Sex modos spiritus istos eiiciendi qui sunt prædicatio, Dominica Passio, exemplum bonum, inspiratio occulta, oratio, & ieiunium, quod testimoniiis scripturæ sacre confirmat. *Ibidem pag. 73. 74.*

B Eiusdem sermo quartus in illa Euangelij verba, *Beatus venter qui te portauit.* In quo ostendit quomodo quatuor portare debemus, videlicet, Christum in corde, per dilectionem, & crucem Christi in corpore per mortificationem, nomen Christi, in ore per prædicationem; coronam Christi in capite, per glorificationem. *Ibidem.*

* DIONYSII CARTHUSIANI sermo in Epist. *Istote imitatores Dei sicut filij charissimi. Ephes 5. vbi.* Primo. Inuitamur assimilari Deo in regno cælesti excellentissimè per lumengloriæ & visionem beatificam; in hoc mundo per bonitatem, veritatem, misericordiam, communicabilitatem, sanctitatem, perfectionem, sapientiam, secundum mensuram capacitati nostræ conuenientem. Secundò. Auarus vocatur idololatra: quia 1. plus diligit nummum, quàm Deum: 2. plus facit pro nummo, quàm pro Deo: 3. plus confidit in pecuniâ, quàm in Deo: 4. plus reueretur nummos quàm creatorem. Tertiò. Hominem alienorum peccatorum reum effici, consulendo, applaudendo, laudando, fauendo, consentiendo, cooperando, &c. *In serm. de temp. à fol. 127. ad fol. 128.*

Eiusdem, in Euang. sermo primus, Peccator spiritualiter mutus & cæcus immò & surdus vocatur: quia 1. Diabolo est subiectus: 2. Omne peccatum mortale est simile magnæ grauique moli, quæ sensuum organa implet, læ-